

永順縣志

第二冊

永順縣志 第二冊
52.2.27

永順縣志

永順縣志卷五

縣人 文 琴 張 孔 修

編纂

地理五

○○山水 水道下

○酉水

酉水水經曰酉溪

永經漢桑欽著魏鄧道元注辰州屬地之水有五溪辰橘欽無酉也

宋史曰北江

沅水在沅陵相會處自洪江來者曰南江自永

順來者曰北江

今稱北河又譌作白河亦名更始水有三源

中源出四川酉陽縣之酉源山由龍池鋪犀牛潭伏流二十里至泉孔而出經酉陽城南至何家壩入洞伏流五十里出蒲海場過梅樹又經龍潭市又東流至溪口又東至廟前又東南至鴛鴦嘴合秀山縣之邑梅河水又東至秀山縣石隄司入本省龍山縣西南與北源合

北源出湖北宣恩縣之忠洞里石灰窰西南流百一十里至大界溪入本省龍山縣境

折東數十里至佛塘又南數十里至紅崖堡又西南三十里至小龜潭果利河水西北流入焉又西至仙人洞乾溪壩龍潭河亦自西北流入焉又南至兩河口皮渡河水自北入焉又曲折經漫水至卯洞伏流三十里達百戶司大江會安撫司小河又南折西至貴塘壩市又南入四川酉陽縣境昔泥口又五十里至大溪口又五十里至酉頭場入秀山縣境又二十五里至後溪又三十五里至石隄司與中源合又東北至魯碧潭仍入龍山縣境又東少北至里耶汛又東少北至比耳塘又東少南經隆頭司西又東南洗車河水自西南來注之又東南經大喇汛西又南入保靖縣境芭茅寨又二十里至駝背灘又二十里至小江口與南源合

南源出貴州銅仁之平頭司左右兩支合而東流又受三不管之水經雲羅屯逕松濤縣治南張鬼溪馬乾溪水先後入焉又東至芭茅坪右入本省永綏縣境又北合木樹河水又北至米糯屯米糯屯溪水入焉又北二十餘里至潮水溪潮水溪西流來注之又北少東十餘里至三不管又三里經茶洞舊協署西北左入秀山縣境又東北至四

川莪溶汎入龍山縣境先後合三叉塘小寨溪槽門老旺吉洞濫塘諸水又東逕永綏縣治北又東臘耳堡河東北流入焉又東北入保靖縣境合西洛溪乾溪古銅溪諸水又北出獅子橋小江口與中北二源合又東五里經保靖縣治北又東蒙冲溪水南來注之又南至龍馬嘴折東北又折南東經笏山南又東至逝溪逝溪水南流入焉

案酉水三源一出四川一出湖北一出貴州均不在本省其流經本省者又以龍山保靖爲多而永綏次之自保靖合流以後約五十里始入縣境外白砂保再二十里至列夕新碼頭始受縣之猛崗靈溪二源合流於那集溪之水然當未入縣境時已有支流由保靖入酉水者一爲出隆頭司下之下車河一爲出三角灘之逝溪可得彙誌於篇

○下車河

下車河水源二一由龍山縣董補里之丟草坳西流五里入縣之守車保土傍湖入洗車保上甲善人寨一由守車保長崗嶺西流四里經中壩田入洗車保由姚家寨至善人寨

合而西流里許左受洽石湖嶺右之水右受砂嵯湖水經瓦廠西流三里右受雞鼻湖水雞鼻湖水源出龍山董補里梨子坳下東流約七里出賈家寨入縣境經張家灣入下

車河

下車河水折東半里旋折西抵寶珠山下又東少西凡三里冉家寨水自南來注之響龍溪水自北來注之

冉家寨水發源于洽石湖嶺左西北流三里許出冉家寨入下車河

響龍溪水發源于宋家溝大溪溝小溪溝等處會而東流五里入下車河

下車河水又西四里至下甲之紙棚挪車溝水自南來注之

挪車溝水發源于下甲之大坳西流三里折西北流里許入下車河

下車河又西經三元橋又西北流半里過關帝宮又西南里許又西二里下巖板灘

溪中亂石

星羅高三四丈不等怪狀奇形甚夥下有石壁高丈許河水下注如瀑布吼聲若雷聽者疑爲虎嘯云至西旗寨之八百田又西北里許又

西南里許又西二里至馬鞍山麓救駕坪水自北來注之

救駕坪水發源于天平山麓南流五里出官園入下車河

下車河又西里許經高東岷又三里至塘坊坪受塘坊坪左邊溝水又西里許又西北里許經獅子口受岔那溝水又西二里抵流藍溪自斯以下兩岸逼仄中惟一罅又西三里經三脚巖出永龍二縣分界之馬腦口下巖峯潭

兩岸山高七八丈河身寬僅丈餘仰視止一罅青天而路徑尤爲天險右岸石

壁間鑿路一條寬僅二尺下臨深淵俯視危險異常

入龍山縣坡脚里之店坊受正河水又西五里至撈車又西十

餘里注於洗車河

洗車河發源于龍山縣南西南流經洗車市又南至朱家寨塘西合賈家河水又南至慶口塘又南受下車河水

下車河水自入洗車河後換名曰洗車河又南十里爲叉車溪又南五里至隆頭司下注於酉水計程七十里而強

○逝溪

逝溪水源二一由洗車保永龍交界之分水嶺西南流經外白砂保中八甲之浪才奢作

湖等處十二里至雷齊坡麓插鉢潭兩汭溪自北入焉

兩汭溪水發源于望雲山麓南流五里入插鉢潭

插鉢潭灣環流出俗名爲太極圖經護永庵灣環如故過偏巖潭新堡羅洞玩菱基等處約十里至對山寨市口之漩潭曉作湖水自東北入焉

曉作湖水源出遊歡溝向西曲折流入漩潭

自漩潭南經普慶寺小乾河直浦等處仍灣環流出俗稱對山寨水有太極圖三信然至幹溪河約六里西受禁台冲水禁台冲者永保交界地也南流五里經馬夫岷平官潭渾水潭抵兩汭河與鹽井水會

一由洗車保中甲北陽坡麓之龍洞是爲鹽井水源南流約三里名透底溝至陳家寨受螺螄堡溝水

螺螄堡以形似得名其溝水東南流二里入透底溝

南流里許東受富岷溝水又南里許經小井塘坊邊穿東溪橋是爲小井河右受官山溝

水

官山溝水源出濫田坳四里穿西溪橋入透底溝水

又南半里折西半里又折東南里許經黃家灣周家坡又南三里經官壩抵大井之客寨橋是爲大井河東流半里受唐景溝水

唐景溝以唐景所住得名其水發源於雙鳳岷西南流三里至楊家冲入大井河
折南二里經舍人寨之物積松坨折東受小冲溝水

小冲溝水源出方坡塢西流三里經文昌閣東入大井河

折南半里抵黃土堡又南半里入外白砂保哈烈湖又南五里至鹽井市前是爲鹽井河
折西三里至干溪麻料河水自北入焉

麻料河發源于犀牛洞南流四里入鹽井河

旋經雷打巖合峨旁坡水西南流繞白崖山大小溜洞而出也車橋約十五里至夾洞潭
貓子坪水自東北入焉

永川縣志 卷五
貓子坪水源出託家湖西南流四里至土橋四里至貓子坪又四里入夾洞潭

又西南五六里至兩汊河與對山寨水會二水相會後始名逝溪河其地屬永保交界河身漸闊可通舟楫環抱官貴山麓十二里抵渡口潭

此處爲永保往來孔道舊有橋圯不復修現有渡船以濟行人

又東五里繞白巖山新寨河水自東來注之

新寨河由捧夕嶺之牯牛山發源西南流七里至巖穴場受沿途各細流經三道水九水坪以達新寨計二十里又二里右受穿洞水左受東樂柯水又三里抵虎瀾之標水洞有懸崖高數十丈奔流如長虹下注逝溪河

逝溪河又東入保靖境少南二十里至三角灘入酉水計程七十里而弱

案逝溪河自入酉水後其地均屬保靖因其爲正源故備錄之自斯以下均以酉水

二字冠首

酉水又東白溪水自北來注之

白溪水源出保靖縣南有呂仙洞旁已空坪三支東流折北入酉水

酉水又東歷三門信平蟻槽鐵城牆諸灘入縣之外白砂保外五甲境經南渭州舊州官治所

烏龍庵又東少南至列夕市下是爲內外白砂二保交界地受南來之那集溪水即猛崗靈溪二

水所會者又東南經老師巖昔有巫師求雨不得印身於岩壁故名升子陽橋等灘約十里至亮溪口亮溪水自

西來注之

亮溪發源於田家保斷龍山北流八里至龍脚河七里至業比達又七里至體馬洲又十里經茄通又三里至王家保之三脚巖又五里環繞龍牙坡麓又五里至亮溪口入

酉水

酉水又東南十里經王村舊司署西南白水溪自東來注之統志白水溪在縣東南八十里西流入酉水

白水溪有二源南源由上榔保五甲燈蓋它西流二里經烏龍洞至湖坪潛行五六里

自犀牛洞出東源由上榔保八甲獅子山西南流二里經榔子河又西三里爲黑草河

與南源會西經武聖河又西南四里入四甲境左受少土河少土河有二源一由五甲大慶山西北流經發業村

一由四甲天王枯西流曰卡列河又東流曰龍潛可因岸左有龍潛井其水出沒無常相傳有龍潛其中故名二水合流入蘭芳河伏流六七里出少土河入白水溪又北

里許入二甲境五里經大農村右受驢遲洞水驢遲洞為昔長官台所司長官宅址墳墓及翁仲獅子岩尚存折西北

流二里又受仙人洞水又南五里左受宅母河水宅母河亦有二源東出四甲大地山之納業洞北流五里至別注河南出

二甲之莫若枯經宅母河東北流里許折而西南與東流會入白水溪又南二里又受衣老河水衣老河發源於米西沽西北流五里入白水溪

又西里許又受風洞河水入三甲境始名白水溪又西南流六七里左受川洞水又受

又湖水又湖水源二一出二甲虎踞山西南流曰巴祖河一出盤溪鳳栖山西南流曰剛口河入白水溪約長二十餘里入一甲境名營盤溪

右受康家河水康家河發源於三甲之芒碭山山頂有池水由池中湧出西北流經擇猛洞河潛行五六里自十里岩出北流折而西曰太平河又西南流始名康

家河入白水溪約長十八里又西至雷鉢潭自懸崖飛流而下吼聲若雷奔赴入酉水計程幾四十

里

酉水又東南流下花灘出劍潭口經觀音洞十四里太平溪水自東來注之

太平溪源出上榔保一甲之雪花洞西南曲折流約十餘里入酉水

酉水又里許至古丈縣之羅衣溪口羅衣溪水自西來注之

羅衣溪今屬古丈縣其水源有三南出白崖洞至蝦蚣潭而會中源中源出保靖縣六

都之狗腦山東流出翁草折而東北入古丈西英保境過茅坪而會南源西出保靖六都之分水迺東流經排若過夯水入古丈縣冲正保東過宋家若與南中二源會合流北至熱溪梳頭溪自西入焉北流出長潭惡濁溪自東入焉又北至新寨紅沙溪自西入焉又北至古丈城南水田溪自東入焉繞城過三道河達樹西科龍潭坪大溪潭溪均自東入焉又北經黑潭坪茅坪至羅衣溪惹鼻溪水自北入焉出口入酉水計程近百里

酉水又五里曰清魚潭又東五里右爲沅陵縣屬會溪坪左爲永順縣屬銅柱坪五代時馬王銅柱屹立於此有溪水自南入焉茶溪自北入焉

茶溪一名茶灘

銅柱坪溪水源出上榔保二甲之盤鳳溪北流入酉水

茶溪在縣東南百三十里源出高望山即會溪上流東南流入辰州府沅陵縣界

一統志

唐天授中置溪州於此五代楚王馬希範置銅柱于此

通志

酉水又東五里曰雙溶

自清魚潭以下中經麻灘太平灘鬼灘豹子灘皆不甚險惟雙溶水由入口處陡落十餘丈水中石瓦似雞籠伏於波濤中

船遇之輒碎必旋繞而過始免危險故名繞雞籠偏左為腎子巖兩石如卵排及故名南下數丈復有盤石橫巨口中程忽略舟即擱置于上 又二里曰蝦子溜

灘又二里曰莫送灘又少南三里曰施溶同灘又一里曰施溶驛灘始抵施溶溪碼頭下

施溶溪水自東來注之統志施溶溪在縣東南百九十里源出吳良界西南流入西水嘉慶通志元設會溪施溶長官司

施溶溪發源於外龍保吳良界約行三十餘里至施溶保之龍潭鄉左受羊毛溪水

溪水發源于方石巖後自孫家灣經大寒略營盤又十里再受西洪溪水源於四都坪

邊界約二十餘里自龍潭鄉而下均可行舟繞迴龍庵經日卜鄉而至長官鄉之長官

寨凡十餘里又經瑪瑙鄉始為施溶溪又十餘里入酉水

酉水又東南十里曰順江灘過觀音隈而至公羊坪順江灘水勢陡峻中多亂石堵塞致成掀天巨浪俗呼為九條龍北有旋

湍深潭常吸舟公羊坪溪水自西來注之

採訪員向道平觀音隈記觀音隈在順江灘下灘水陡絕一落數丈波濤險惡上下船隻多遭沉溺之患村人於江岸石壁下建修龍音院一所因其地勢天然與寺中竈座相同

故名觀音位又因其在順江之隈亦名觀音隈聳立於公羊坪對岸相距半里許其下石

有二尺許地與石壁相鈎連壁下橫路一條上抵溪口下達公羊坪由石壁相連處鑿一小徑盤繞而上經三台姑抵院門門上書小普陀三字牆面嵌作牌坊形入門則前為靈

官座左右兩廊禪房各兩間中為大佛殿觀音堂左右列羅漢諸天等位寺後石筍嶙峋
高出霄漢俯罩院中所謂火焰山也兩旁石柱高廿餘丈大羅漢數圍不即不離排列左右
俗稱金童玉女峯信然院門外有小坪可三弓移几小坐天風吹面皓月入懷西顧長江
銀濤萬頃滾落座下東望下流煙邨漁火隱約江邊對岸有石鐘石鼓二山倒影江心形
容逼肖每當水聲激越時如聞鞀鞀之音余嘗訪友院中因得留宿一宵乃題七律二章
於牆壁迄今幾四十年而字跡顯明如故其寺兩經同祿兩面牆垣頽倒迨盡惟院門二章
然與詩獨存亦異數也附錄七律一章名山小別幾春秋行入新宮憶舊遊燈影照開天
地界鐘聲敲破古今愁仙猿野鶴無青眼驕馬高車易白頭試問浮生何所似長江萬里
鳴一沙

酉水又南歷鯨魚溪鯨魚溪水自西入焉

中有茄灘石米灘等處

又八里魚兒溪水亦自西入焉

經桑木長灘桑木溪自東入焉

桑木長灘長約五里自魚兒溪下入口曲折盤旋忽南忽北水由甌石中經過及溪尾廟前直衝北岸石壁折而南

奔至箱子巖下水大時旋渦四起激盪成堆真險境也亦奇境也元史劉國傑貳魯萬丑於桑木灘即此

又十里經茨灘

統志在縣東二十里通志濤浪奔騰

其險異常為石馬潭又五里為鎮溪鎮溪水自東入焉

鎮溪發源於茶園鄉仙鶴洞南流蜿蜒行山谷間經小溪茅坪凡三十里入酉水

酉水又南八里至鳳灘

案統志載鳳灘在縣東二百八十里未言險要也今攷鳳灘水三疊有頭鳳二屬三鳳之名頭鳳入口處南岸大石斜列水勢北向

奔流灘半有巨石人立高數丈俗呼為鳳巖又名秦頭巖矗立波心下水舟對石行相距咫尺姑擢而南至二鳳二鳳稍夷至三鳳水勢被二鳳尾北岸石壁逼而南折灘下又有石壁

相迎拒非老於駛船者萬難脫險三鳳尾曰貓口兩岸狹窄噴水岸上水石相撞激成旋渦大如堂坳功奇境也 一二里至岔桑則入沅陵縣境又

十餘里至明溪口明溪水自東入焉沅陵縣志明溪在縣西北百里源出永順府永順縣直流入西古名櫛溪五溪之一嘉慶通志宋天禧二

年詔通判劉中象召下溪州刺史彭儒猛至明灘與插血要盟即此統志永順有明溪在縣東南百二十里東南流迤辰州府沅陵縣界入西水

明溪發源於外龍保界方石巖山後南流三里經沅陵縣屬地紙坊三里仍入縣境圓

寶壩五里至王家場是為施溶保之明溪鄉二十里至大明溪十五里出茶園為沅陵

縣地又六十里至明溪口入酉水

酉水又南少東十五里至烏速又東南十五里至沅陵縣城外入沅而北河至是盡矣順永

府志酉水又名北河自王村達辰州大河沿路險灘鱗次水勢洶湧改土初曾奉文請帑疏鑿自王村以下百二十里至鳳灘入沅陵界其中灘之最險者為順江灘則以自施溶溪順

流而下者為名鳳灘長約六七里有頭鳳二鳳三鳳之名茨灘則有猪槽溶等名諸皆奇險乾隆二十五年知縣張天如率永順令陳惠疇捐資修鑿在迎春夏水發亂石冲激舟仍難

行乃捐資置田為歲修之用○府志續編雜記北河灘之最險者鳳灘上即茨灘灘深不可測有巨石橫亘其上舟觸之輒碎行才苦之同治辛未冬永順府縣初設救生船禱於神謀

鑿之時十月下浣工甫與忽大雨河水驟漲木人泛巨筏而下觸石筏解石亦隨沒入水自是而茨灘巨石才為患行舟歡忭因新灘廟以酬神亦異事也

知府張天如北河歲修置產碑記壬午之春為北河歲修置產將賣契田圖共六紙鈐印發永順縣存卷蓋永之王村以下老鳳灘茨灘順江等灘水勢最險余蒞任後相度形勢

與永順下之石陳君筏撞擊之鑿以期利濟但各灘頑石縱橫既難一時砥平又遇春而不發立
歲修之本府復捐銀三十餘金而勞民亦非善政也昨歲通判賈君與保靖任令同心捐貲
送府修之產則官捐銀三十餘金而勞民亦非善政也昨歲通判賈君與保靖任令同心捐貲
戶運穀上倉於青黃少母任匠作虛糜並不將此水涸畝任奸胥侵隱及託名挪為別項
願後來毋任佃戶短少母任匠作虛糜並不將此水涸畝任奸胥侵隱及託名挪為別項
充公之用雖田畝無多不敷工費然人之好善誰不如我後有同志擴而充之產則日增
隘使人鑄之裁沒水中不能去而令尤冀歲修者甚於故今北河之情形余歲修之意見
亦有慮於是余冀產之日增於將來尤冀歲修者甚於故今北河之情形余歲修之意見
於河之濱以告來者○又酉水考諸書所載酉水有五湖南通志載沅陵縣者是也西永順縣
西二十里源出小酉山東北流入酉水此禹貢註所云酉水出今沅陵縣者是也西永順縣
正有保白水在縣西南源出經葛藤寨而入沅陵境此沅陵縣志所云沅陵縣者是也西永順縣
桑植縣志載縣有酉水自縣東北經子界鶴峯慈利分界之大泉坪出南流二十里入桑植
界由廖坪馬路口官溪至縣東合澧水余考其源流俱合而土人未嘗有酉水之名鍾志
可以為今自西川不知何據此三水皆以酉名然近而易考桑植之北河所入澧水不入沅存而
為西水其自永順白羊山出者自沅陵小酉山出者皆入此河而其源則自湖北來者為
一支自四川來者為一支考漢書地理志武陵郡充縣註云酉源山其水所出湖北來者為
入沅行一千二百里水經註云酉水導源益州巴郡臨江縣故武城之充縣遷西源山東南
北東逕西陽故縣南又東逕遷陵故縣界與西鄉溪合謂之西鄉溪口又東逕遷陵縣故城
異州武陵巴郡異郡漢書不直牽合為一又巴郡有南充國所出之酉水非武陵之充縣荆之益